


懷清堂集

T 5466 / 3248

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

5531/3248



樂清堂集卷十三

仁和湯右會西庄

次酌查梅餘編脩元日試筆

手板未能趨北闕 寒暄且免借東鄰 傳杯後飲今逾後 去

病神更久不神 一夕白頭還海夢 三年紅縷沐州春 東坡元日

詩在聖代 新來又復隨兒女 綵勝銀幡作上賓

再得一首酒梅餘

相愛相於分最親 道南道北又為鄰 老欺病骨全無力 筆

笑詩香底有神靈 帶金門將盡賦花偷 書海未回春 今歲正月

六日 更思殘夢逐同醉 怡喜今年歲在寅

懷清堂集卷十三

仁和湯右曾西厓



次韵查悔餘編脩元日試筆

手板未能趨北闕
蹇驢且免借東鄰
傳杯後飲今逾後
去

癘神巫久不神
一夕白頭遼海夢
三年紅縷汴州春

東坡元日

詩堆盤紅縷細茵陳
新來又復隨兒女
綵勝銀幡作上寅

再得一首簡悔餘

相愛相於分最親
道南道北况爲鄰
老欺病骨全無力
筆

笑詩翁底有神
雪帶金門將盡臘
花偷碧海未回春

今歲正月

六日立春
更思釀黍邀同醉
恰喜今年歲在寅

聞悔餘齋中菊花入春色香不改亦一異也作一首
簡悔餘

幾見黃花秋復春別含淑氣轉洪鈞金堂玉室常溫地綠
髮蒼顏不老身詎肯前驅爲桃李要將晚節鬪松筠天教
畱作先生瑞草木應知臭味親

再次悔餘見訓韻學白體

來看濕雪冷烟中尚有餘香戀故叢對客留連誰送酒助
君愛惜自障風往來筆札添詩興顛倒春秋笑歲功任爾
溫房烘不出好誇都市賣花翁

次韻王樓村送桃花一本

立春後三日

點注天桃出小枝也看碧葉間紅蕤江南三月屏風上寫
徧徐熙畫裏詩

曲曲迴塘短短籬映門猶記乞漿時鬢絲禪榻春風少誰
省三生杜牧之

元夜前三日樓村悔餘西谷石臣小集寓齋以鈞字

立韻

樂事衰遲強半休空傳九陌逐燈毬故人地近能頻過遙
夜情親更小留聲靜微聞棋落子局喧忽笑酒探鈞
事還期病起春風在排日同爲爛熳遊

疊前韻

皆是夕實

懷清堂集 卷十三 二
老病真宜急退休廿年回首月燈閣名毬敢叨故祿三分去
虛爲頭網入餅留世事難尋孟下覆人情誰測掌中鈎些
些似得幽居趣碧海新圖作臥遊

答人餉瓜二首

把鋤已似到西疇老圃風神有此不他日秋瓜動秋思憶
君如憶鄭瓜州

春苗夏熟蒂秋除蒲鴿青青似愛渠十七篇書傳野老韋
郎休笑理生疎

題杖頭賞酒圖

酒泉直欲就先生玉饋澄泓似鏡清轉笑能詩何水部生

來從不識杯鐺

百錢名輩有遺風似爾清標約畧同褰屐諸郎半年少故
應入座問車公

爲雲舉編脩題蘿軒山水畫扇

渴者每思飲饑人恒說食連旬望甘霖人帶憔悴色天公
幾時出號令坐令油雲蔽天黑招提有客埽北窓造化挽
回由筆力誰言雨氣終虛無淋漓妙墨爲先驅林木掩靄
潤不枯巖谷霾翳陰風俱何來此扁舟無乃舊釣徒跨溪
作橋約往看波跳珠渺然幽思凌江湖沙平渚遠不可摹
更添芋齋倚絕壁是中端合置老夫樂哉冰壺已濯魄何

用伊川買泉石圖成試問持贈誰玉堂才人紫烟客似從
魚鳥共飛沈已覺山川在咫尺平生笑李成但得平遠工
豈嘗師范寬凜凜盛暑中伏日割肉明光宮歸來傳翫招
我同阿香門外鞭癡龍明朝一尺街泥融莫言放手難須
知用心苦置君懷袖定何許會令青天出風雨

送友之閩中

東西澄澈兩溪分仙穴時時起白雲此去真如駕鸞鶴會
應親見武夷君

文公精舍隱屏邊小劫應論八百年待擬相招到雲窟誰

言謗道是神仙

文公隱屏詩下有雲
一窟仙人久相招

席上

上下花光共燭光周遭碧樹映紅堂一時嘉會人傾坐四
卷纖雲月照廊無事且論今夕飲有懷還發少年狂凜秋
節物春暄暖誰道青驄滿路霜

寄錢石臣侍御

蘭臺梧掖忝爲鄰龍尾螭坳總近臣回首十年如過雨相

看一笑等前塵貧無夾轂雙官騎病念扶藜二老人

余亦
久困

羸疾因用東坡和錢穆
父堪笑東西二老人句歸日清陰還待我兩家同占綠楊

春

蕉飲南歸江都郵示近集作此寄簡

應劉俱異物

謂元朗赤抒

岑范各衰年與子深相憶新詩好共傳煮鹽饒估舶伐荻足江田一誦蕪城賦真思隱似仙

題華亭侍郎秀甲園圖

謝公有邱壑遠在五湖湄共指青山宅遙翻赤羽旗天
題留尚濕 睿賞出常遲兩度游歌地千秋魚藻期
昔者扈 仙蹕曾經到午橋九峯分映戶一水暗通潮日
照苔階麗雲依綵仗飄至今圖畫裏彷彿聽咸韶

閏七月二十六日過一莖菴

試拈一莖草往問文殊師如何大地藥不救霜生鬣秋風
灑袂秋牕曉清淨莫嫌詩自繞蝸角蚊巢有戰爭回頭未

覺茲菴小

同雄飛文子雪子以不雨晝常陰句足成一篇

病謝驅馳力秋知黯慘心乍寒人已覺不雨晝常陰天外
雁初到草根蟲苦吟無絃會幽意留取淵明琴

送文子南歸

請歌毋庸歸驪駒已首路秋霖泥滑滑漸車不可渡一帆
直沽雲千里逐鷗鷺羣書滿船繫清景隨所寓憶昔榴花
明言指嵩陽樹回頭一寒暑相隔如晨暮今來無幾時告
別返江步故人猶故態脫畧見情愫我老心尚孩談諧苦
無度聊煩答賓戲未敢令公怒相過沈昭畧

澗芳

蛤蜊食

不顧王郎

雄飛

拔劍歌既茹還復吐眼中二子在豁達肝

膽露其餘異死生宿草荒墟墓四十年來事天地莽迴互
猿鶴與沙蟲擾擾詎知數子今存一瓊未是折腰具歸歟
且慰意能事託毫素清齋苜蓿盤不受酒肉污雖傷歲時
晚未恨才名誤家奉一先生經傳小章句蘇湖遺法在弟
子望戶屢明年當從君寒廳展良晤尚思王與沈共宅清
漳住大火方西流長河復東注儒冠雖冷落終竟勝純袴
繞膝有嬌兒對案有佳婦到家秋正中圓月看顧兔

簡吳小眉

君就招提宿清香入院時綠槐風細細冰簟雨絲絲秀句

人爭誦閒情自不知白蘋汀上路傳得柳家詩

題宋蘭揮芟梁撰杖圖

玉井有蓮花亭亭十丈直如船進雪藕誰云惻不食讀書
適時用秘此禁林職伊人含清姿妙意寄水墨悠悠西陂
賞渺渺東山憶折菡下芳洲澄鮮秋水色何郎霧夕句宿
昔心已識

雨霽

聽盡終宵雨開門朝日暉鬪生花有態獨下鳥忘機焙藥
題新爨燒香理故衣蕭閒只如此已覺往年非

秋海棠

海棠何有此蜀府未知名朝日芙蓉色秋風籬落生翠應
憐小草紅欲艷傾城移作清齋供幽香配杜蘅

齋中青瓷整一嘉萬間宮中物也偶成四十二韻

陶旋工精藝宮庭歲進甃尚方傳甃器雅具列香墀采奪
三雲殿光搖百子池土劔雖質樸瓦注更葳蕤婀娜花全
繞丰茸葉倒披赤霄翔孔雀丹陛翊文螭方丈山膏萃昆
明水渺瀰偶然留小物亦足訪前規摩刮人堪鑑雕鏤鳥
細窺堅疑山斲骨滑想玉流脂雨過遙天後山橫積翠時
此時看秘色是處映清姿古佛螺盤髻飛仙黛作眉削成
青瑪瑙瑩出碧琉璃石鼓形殊肖絃靴柄莫持雨中迷瑟

瑟霜後認差差位置應何所承平畧可追低凭緣鬪草小
立爲爭碁清暑晨常到迎涼晚最宜止惟依鹿女眠只護
獮兒豈有緇塵拂常勞紅袖垂坐來彈錦瑟倚去寫烏絲
一自軍烽急驚聞戰角悲銅槃嗟已折金盃出無期似爾
真流落如人閱盛衰未曾同璧碎且得共梧遺飄蕩隨門
柳荒寒帶砌葵自憐時代改莫笑主人爲寒露零逾淨衝
風撼不欹恍依鴉日歇任當馬韉騎蒲椅歡相得繩牀據
似之看雲嘗獨起待月或頻移詎可橫成枕誰教破作甒
枯藤空自裹舊繡漫輕施桐葉留詩客貓雛配畫師泥澄
官置局油徹內分司往者曹皆偶今茲數只奇愛因同鐵

石嘲是近尻雕萍實浮寧類匏瓜見定疑底須論國寶已
擬算家貲翡翠無留羽珊瑚有斷枝人間今昔意於此感
成虧

送大司寇韓城公

三千著律令原本忠厚意古者師朱儒輕典用頌繫刑書
雖鑄鼎往往傳古義狼牧而虎冠後世進酷吏誰能一杯
酒獄豻洗冤氣足知三刺聽詎有百金利峩峨韓城公明
堂棟梁器秋官大司寇職在讞鞫地惟良助仁德實布
天子惠粒米盈太倉辜重法不貲見知相從坐盛世無此
例公乃正色爭獨先在廷議飄然遂去國鶴聽九臯唳西

歸太華山三峯卷清霽彈琴石室內雲牖夜不閉日月當
高旻迴照豁陰翳會當不遠復藉以風有位仁心待袁公
豈止理獄事

秋日登大悲菴後亭

石幢重到訪遺經秋色蒼然落此亭鴻雁影低連古堞兼
葭聲冷遶迴汀如絲氣上龍泓白滿月光搖佛髻青願證
諸天菩薩戒自今刀几謝羶腥

亭今爲
飲讌地

胡南荅侍郎繼至中路相左遣人相要作此代簡

閒來半榻借僧房消得風櫺一炷香自在天中初放眼祇
陀林外別開堂已教寂歷移長日悔未遲留待侍郎今夜

松門最明月故應對酒憶求羊謂予與仿亭

中秋同南苕侍郎集阮氏林亭

未覺從公懶先來待月生泥休拋酒盃閒自愜詩情樓迥
光先得輪孤影倍清更教攜鐵笛吹徹九秋聲座有范生善吹笛

將移居爲庭前老槐作一首

十年種一木制器亦速朽不如楚冥靈彭殤閱天壽空庭
有老樹常伴衰病叟去年冰雪中結此歲寒友今來春復
夏美蔭交牕牖時橫穿膝榻每屈學書肘僦居半爲此不
惜添券負往從顧翰林山容初來踏門鈕舍人在衡復繼
至數此接杯酒當時嘉樹下獨立嗟賞久豈知三十年清

陰落吾手人亡物故在時往事復偶秋聲忽夜發萬竅爭
號吼洵疑海濤翻若似蒼龍走披衣起危坐默感先零柳
感此亦何爲借問樹知不恒河曾不異我自成老醜茲來
得三宿去意復八九移家往巷南攜持到雞狗胡爲獨去
汝惆悵辰逮酉萬牛挽不前一夕徙何有誰當慰老夫戀
戀屢迴首

題西溪梅雪圖

沿山十八里家家種梅樹春來梅花發繞屋不知數迴風
似絮起掃石疑雪聚空外聞暗香莫識經由路其中有清
溪屈曲相貫注居人通往來但用畧約渡因之車馬絕惟

見桑竹互我少卽嬉遊解艦先羣鷺朝隨樵唱遠暮與僧
鐘遇每緣乘興往不待佳招赴何異桃花源十步九迴顧
蹉跎盛年改悵望良辰誤雲中指雞犬物外走烏兔何來
披此圖曠若發新悟心猶依故處遊尚記前度連村冰雪
晨漠漠散香霧幾時三畝宅真向此中住漢廷馬相如方
誦美人賦吾歌紫芝曲一笑煩顧誤

黑龍潭

太始有劫灰淪在虛無底黑江流不盡上作波瀾瀾何年
截潭洞澹泞忽而止有時腥風來蒼鱗感不起幽沈墨瀋
色神物蟠其裏歲旱禱祠宮牢醴走祝史靈旗紛偃蹇百

祥爭來委明朝舞商羊父老賀邑里今年苦霖潦彌望沼
與沮龍公何奔忙苻下疲役使秋深始澄霽游衍迨暇晷
泓上久裴徊照影風日美餘潤壯蓬葦微馨發蘋芷古井
團圞天空明卽此是吾聞龍至神幽潛清不滓以彼變化
力巨海易事耳胡爲居穢濁曾未窟宅徙老湫怒忽拔劈
石勢未已便恐風雨來咫尺隨履屣

憶安宜舊遊雜成十詠

採菱剝芡繞湖潏萬頃波光鼓枻吟微月初生舊遊處五
年塵土尚關心

跳丸日月送居諸靜裏深知意有餘樂志堂中三改火草

荒行逕手鈔書

人傳柱史有陰功
玉屑諸郎愛阿戎
拋卻兔園却冊子
枉教白擲得師風

閒來舊夢記爲新
曼綠天紅作冶春
一曲城南新泚水
漫天飛絮獨遊人

驚鴻照出水盈盈
霧夕霞朝別有情
今日陶園太疎索
只應添得讀書聲

閒布楸枰屬思遲
癯仙風味少人知
年來黑白瞢騰過
慚負秋堂落子時

書巢風義我師友
海內論交托契真
四百頃田隨老盡
幾

人還念鄭公貧

文史笙竽各有徒
王郎別後調還孤
不知半影迴衾夜
老大心情合戒無

傍水周迴百本梅
中間曲閣間平臺
角巾私第知無恨
月底花前總看來

當時競病記分題
夢斷西廊月向低
惟有耽書宋公子
過墻濁酒數招攜

排悶

繞石花枝被徑莎
一春能得幾經過
苦因拘役閒常少
祇爲衰羸病較多
行藥欲來還懶散
畏風將到又蹉跎
何時

懷清堂集 卷十三
會客西亭上撥盡朱絃卷白波

荒祠

古墻剝蝕碧苔滋肅肅靈風起薄帷雀調但聞簷墮瓦狐
鳴不見火穿祠時來時去真徒爾諸布諸巖未可知九牧
有金堪鑄鼎大科文字更憑誰

次韵奉酬義門

詩興揚州喚卻回如罨猶帶墨光來埋盆點檢春前景炊
飯分張爨下材一寸抱將寒夜永數枝橫似故山裁知君
鑪鞫陰陽手鼎實他年佇上台

苑西佛寺中見楊花

長廊吹雪復吹綿楊白花飛絕可憐綠葉暗來春老矣紅
樓飄去夢依然每添根觸緣孤驛

放翁詩曰梨花堆雪柳吹綿常記梁州古驛前

二十四年成昨夢每逢春晚即凄然會共兒童捉小年閒

予少壯客遊與詩中意緒約畧相似

對東風兩惆悵海棠零落佛堂前

院中有海棠二株連日委地盡矣

題胡永叔五湖歸去圖

蝦菜歸心落五湖權郎歌罷月輪孤正從松菊田園外別

寫淵明歸去圖

宣和畫譜李公麟畫陶潛歸去來兮圖不在於田園松菊乃在於臨清流處

水雲那得便浮家閣道方看上漢槎人物他年問江左謝
琨第一擅風華

長夏閒居一首

懷清堂集 卷十三
公門少暇日解帶亭午餘勞煩失本性永懷靜者居茲焉
及休澣偃仰聊吾廬林深寂無人密蔭青扶疎巖石角節
露野卉縱橫舒夜來時雨過新馥扇紅蕖前有盈尊酒後
有挿架書浮念一以遣身世同曠如

六月四日喜雨

莫厭漏移牀莫驚響塌屋且將一尺雨洗此經月溽研旬
雷震耳旋繞電掣目三更始安眠不遣睡蛇觸明朝衝曉
出人事雜歌哭束帶隨羣公流汗若新沐緬惟山中士水
雪盈一剎朝看清泉流暮與停雲宿往從未有路安得騎
鴻鵠復念久旱餘羽舞徧川瀆焦勞有 明主感召天意

速枯菱一朝起秋稼行成熟吾寧免營營得飽願已足

病中簡蘿軒

連墻無日不過從會散時聞寺打鐘老念據鞍猶壯士病
餘欹枕只衰容能來看畫茶方熟肯共題詩墨正濃一院
綠陰清晝寂待君履跡破塵封

辛卯六月廿二日蒙 恩宣賜諸臣瓜魚二種以遲

到不及堅齋侍郎分魚一頭口占志謝

蹣跚步緩失瓜期門下空歌彈鋏魚後至我應甘薄責先
嘗君特肯分餘蒸來翠釜金鱗細膾出銀刀雪片虛得一
何心敢專饗便歸灑掃待高車

蘿軒復爲柳舍漁莊圖見貽題云寓招隱之意悵然

得四篇

七月望前二日

咫尺幽居味心知在筆先波喧澗湖雨葉暗宛溪烟摩詰
詩中畫琴高水上仙會須看二老一葉占江天
柳蔭邨南宅漁添舍北莊端居只遙憶好景忽分將石徑
參毫末雲根接混茫五湖秋浪碧移入讀書堂

彷彿風烟路分明豪素中攀條東澗老狎浪太湖公斷惜
沾泥絮低編曬網篷心欣隱淪諾白也古人風

此地應會到何時得重尋蹉跎長往計惆悵未歸心濠上
知魚樂湖邊愛柳陰盧鴻草堂本貴重百兼金

懷清堂集卷十三

懷清堂集卷十四

仁和湯右曾西厓

題韓幹馬

有鶴皆杜荀無牛不戴嵩耽佳好古自一癖韓幹之馬將
毋同開元好畫手多貌青海驄幹也天廐師真龍落筆迴
覺凡馬空今觀此三匹是何骨相傑且雄平沙淺草春丰
茸晴天散牧雲錦叢偶然俯仰各適性意態磊落騰驤中
奚奴碧色懸雙瞳狀獰服古寫更工何從得此秘書省舊
傳賜出明光宮年深隱現粉墨蹤絹古黯黹烟塵蒙人間
但見騾褭影腕底可有精靈通明牕展玩朝日烘日眊驚

此叱撥紅不須眞贗苦分別一念欣厭紛無窮錦囊玉軸
緹褻重忽然散落隨天風此心已在解脫海世上休論無
是公君家靜夜月貫虹几案尤物光熊熊神駿恐是于闐
本破裂絕勝龍眠翁差排古迹得未逢不嘶不秣搖三駿
他年如山水波立慎勿攜此過江東

題香山寺圖

八節灘邊畫得無嶺雲沙月興還孤清風一舸棹歌去疑
有水仙來弄珠
一啜茶甘味未回多羅千樹繞香臺祇因七百年前塔曾
見龍門十寺來

絮落萍飄西復東爪痕誰省雪飛鴻憶從方丈三韓外一
點青山指洛中

幾時眞作此山僧石壁千龕古佛燈更擬雪中尋慧可五
峯仙骨秀峻嶒

送履公往往香山寺

此心宿火撥寒灰旛動鈴鳴日幾回雪裏依然吳會別
丙寅
冬訪師半塘夢中曾自洛陽來任飛白鶴先提錫欲飯青
寺留止旬日猿已築臺師到諸天合歡喜百千萬億閣門開

香山寺予所重建也前詩未盡意復作一篇仍用原

韻

金碧何從問劫灰伊川勝槩挽仍回恍從禪老浮杯去可
憶檀郎獻座來留客堂寬臨石壁飯僧田薄倚香臺只應
徧種菩提樹寺少樹故云寶藏千花次第開

題汪退谷中允香山詩後

嵩山邈迤來百里到伊闕巖巒忽中斷伊水漾清越山靈
草木香百竇泉爭發層龕金粟影嵌空出石窟東巖青蓮
宇千仞俯硯死美人何方來弄此川上月烟華夕堪采空
水遠欲沒自啓玉齒歌聲散林樾鳴鶴久徘徊朱弦坐
超忽舉芳時有贈懷舊情未歇感茲山澤游喟焉謝朝謁

退谷將歸吳中小詩道別

子歸萬里自天西伊闕春風試馬蹄白傅墓前新月皎韋
郎泉上晚烟迷六時洗鉢多華滿退谷嘗留金為香山寺僧買田千尺磨
崖健筆題又書香山寺碑及白少傅墓碑各一今日迴看又陳迹一尊珍重
此分攜

次退谷原韻

留得香山一卷詩退谷許歸吳中刊自唐寶坊真喜復開以來香山詩都為一集
時大千界裏如來火寺成後山頂時有火光如斗三百年
餘內史碑退谷未至時寺先有新種竹枝風嫋嫋乍踈槐一碑若預儲以待者
葉雨離離與君他日同歸鞅異代分司共左司

題澤州先生午亭山莊圖

天井關頭太行路千峯萬峯半雲樹仙源迢遞杳不逢徑
欲移家此中住門前嵐翠自朝暮屋下清泉幾滌注沁水
南流午壁亭此是尚書讀書處鵷鸞臺閣四十年金殿疏
越朱絲絃明堂作棟倚大賢維名與功鐘鼎鐫澄心眇慮
萬象先圖史左右羅丹鉛文章一律金石懸雅頌之手謨
誥篇別有遙情寄巖谷水木清暉夢應熟自逐閑雲度析
城常招野鶴歸王屋琅函幾卷窺洞裏仙草千年生澗曲
平泉堂榭一百餘嵩少家山三十六我聞愛山者豈必山
中人千村柳色搖芳春桃花薦錦紅影新方塘布靄綠漲
勻公方謁 帝侍紫宸春山可望不可親合眼便與烟霞

隣畫師好手亦莫遇誰爲圖寫傳其真耕烟老人江海客
粉墨荆關見遺跡爲公揮灑無所惜春鳩已鳴杏花白列
仙之癯在山澤公今經國豈辭劇洛下方當相司馬蒼生
詎肯忘安石對公此圖爲公歌請公勿復三摩挲摩挲此
圖重惆悵想見蘿薜紛山阿

送沈澗房之山右

望望并州路情親此送君晚秋汾水雁斜日晉祠雲去住
心多感衰遲手重分且將懷古意罷酒一論文

哭李寅谷

之子忽云逝書來涕泗流棋消寒夜永酒豁異鄉愁意氣

懷濟堂集 卷十四 四
千金贈行藏一第休遺踪在箱篋筆法暮年道

澤州相公再入內閣和亮功侍講韻

如山比峻海量深東閣招賢集盍簪謝政甫投林下鞅濟
時重灑手中霖松喬位業三生契屈宋風騷萬古心再見
相公調鼎無都人歌舞古猶今

過德州與田子益話舊追送至二十里驛亭馬上口

占

酒場詩地草連空四十年來剩兩翁豈意三更明月下依
然並馬古城東長河浩浩催高浪短髮蕭蕭任朔風猶記
得隣堂上會玉笙吹徹燭銷紅

過東林寺

正月二十三日

小憇聊延望爐峯秀色遮青山匡氏宅白社遠公家寺逐
殘碑破泉依曲磴斜影堂松雪裏一樹老梅花

楓香驛

仙尉壇何在青城縣久荒水爭流稻積驛自傍楓香竹覆
煎茶竈藤垂搗藥牀四山迴合處翠色晚蒼蒼

望天柱山

峩峩天柱峯可望不可梯蒼然紫翠內大有幽人棲岡前
走白鹿洞口封香泥似聞紺瞳翁金鼎分刀圭千秋靈仙
觀名與瀟岳齊時有嘉蓮花千瓣流清溪仙源自何處路

絕人已迷烟月弄嬋娟遙挂玉鏡西忽焉海色動夜半鳴
 金雞安坐鞭石牛爲予起鋤犁寸田一成熟磊落棗與梨
 茲焉宿夕留王事未敢稽攀星摘日月行待醉墨題雲空
 焙藥巖水激風淒淒試呼左元放恐復羣老羝

得張弘遠書並寄覆筭集

小謫猶應傍紫宸靈山別有碧桃春樓臺一一當蓬島風

浪明明接漢津文采石渠留故事姓名玉牒記前因真仙通鑑

云平固山頂有小石筭藏玉牒記名山福地及得道人姓名能言奇字時真少君是輸

寥館內人

上十八灘

星隕如雨不在天化爲怪石滄江邊章川貢川不知數搏
 沙撒菽誰使然一灘復一灘一灣復一灣南來贛石三百
 里恍在蜚風蠻雨間參錯列齒齒屈曲鳴潺潺爭流噴薄
 水雪湧四面迴合巖巒環愛此萬古立積鐵濤波出沒堅
 且頑有時娟娟弄秀色髣髴明鏡橫烟鬟旣廉以劇神所
 利不夷而險天真慳捐瀆撇漩敢輕上長年最能用力艱
 我昨青州過落瀨白雨飛灑衣裳斑打鼓發船百丈牽中
 流弱纜斷蒯菅吾生微命如戲耳魚龍底用藏神姦明朝
 飛檣上天柱沽酒一笑開心顏苦樂更迭無不便江鷗沙
 鷺爾許閑他時放溜小牒子看我倚櫂乘風還虔州福地

昔所傳道人天眼開禪關奇峯翠巘疑可到待與猿狖相
追攀花開四照天女蓮居士之竹密不刪不須更載鬱林
石卽此便買愚公山

四月晦前一日雜成十斷句時在三水使館

駢枝爭放赤城霞點點猩紅未足誇卻怪千秋朱鳥影一
時併上日南花

似探玉韞剖珠胎小白輕紅越女腮忍病也須營一飽此
行端爲荔枝來

小山幽處暗香同入夏連春發幾叢寄語月中新桂子自
今更不要秋風

咏月桂

雲車風馬歛交馳破柱翻河又一時惟有此君無限喜夜
來新長籜龍兒

雨銷毒熱氣如秋滿院榕陰翠色流也自絺衣與芒屨老
夫何負嶺南遊

等閒喜愠亦區區暮四朝三爲衆狙辛苦忍教思竹實人
間只有鳳凰雛

生憎怪鳥響鞦韆賦鵬當時有此不安得蓬萊綠衣使爲

予歌舞到金洲

山名在縣江上

佛桑焰焰說燒空浪得虛名爾許同今日一欄傾國色豐
盈爭敵綉毬紅

貽書忽報呂安亡

謂若千

旅館殘燈影半牀從此看花兩行

淚更無人見舊劉郎

閣鈴晝寂吏人稀病瘴經時減帶圍待乞三江一篙水淡
雲輕雨送將歸

庭前月季連旬爲雨所敗昨忽於叢綠中出一枝紅

鮮可愛偶得六言一篇

天紅淨綠不二偶然橫出一枝佛法是何分別拈花微笑
移時

壬辰五月七日在三水使館上乾齋中丞斷句二首

廿年盜竊太倉紅鮮鱸蓬池夢想中今日炎洲嵐瘴裏尚

欣乞米得從公

四壁已聞香出甑半甌乍喜滑流匙遙知帳下千夫膳未

抵書郎一飽時

病起到東軒書所見

雨過江城換葛衣雲中殘點尚霏微佛桑初亞紅一朵已
見滿庭蝴蝶飛

乾齋中丞枉寄佳什俯同拙韻意有未盡復爲五章

又追和之

戟府風清六月霜坐看談笑靜蠻荒庾公樓與山公馬獨
秀峯前八桂堂

禁中頗牧許誰同簡畀西南出 聖衷此日耽書傳杜預
異時截鞞記姚崇

文星萬里入牂牁斗極光芒氣象多公是濟時霖雨手五

湖未可問漁蓑來詩何如釣艇自披蓑

名賢用意自深長館閣猶餘荀令香慚愧疎慵繼公後五月

廿六日聞有新命重入翰林禁鐘宮漏幾迴腸

小淹可為荔支留妙句鏘金一散愁望盡羚羊峽中路海

天涼雨氣如秋去年被命匆匆出國門方有使事櫻心不復自意更有暇晷拈弄筆墨今年四月

杪先生以流民事得旨會鞠東來三水大雅所至響應景從故情復萌忘其奔鄙先生文章翰墨妙天下右曾羸

病連年舊殖荒落運斤大匠之門適足自嗤點耳並書志愧

泊英德城下

山城斗絕一孤舟日看清江泯泯流不競此心真似水忘

機隨地只如鷗風生先入涵暉谷元次山有銘浪起疑吞咤雪

洲嶺嶠幽深羣盜在幾時五管得賢侯

峽山寺

海風東南來帆落江上寺誰云香界遠已逐疎鐘至朝陰

延虛明林影入幽邃舊讀茅君傳十九此福地我到不二

門願聞無漏義禪堂梵唄寂野僧餘三四緣雲窮攀躋靈

境所歷異蘇公有遺跡滅沒巖上字橋迴瀑泉聲懸注百

尺駛盪胸冰雪淨觸石琲璣委昨從廬阜過開先跡猶闕

懷濟堂集 卷十四 九
黃華水簾外得此足慰意山神亦何心飛雨隨履屣豈應
嗤熱惱出此故遊戲猿鳴山幽幽上下烟蘿翠佳人昔歸
日彈指千歲事長留碧玉環永鎮山門器喟焉空愛染何
處著名利

南山寺納涼

庠編篷篾窄安牕毒熱驅除豈有方瘴嶺雲生明似火蠻
江日浴沸如湯偶尋修竹千竿翠斲借清風一枕涼長記
英州城下路南山孤寺老僧房

聞羣盜營翁源曲江始興三邑連界火燒山下馳往
相視山高路絕備經艱險信宿乃至作一篇

鹿山百里翠氤氳洶洶奔雷洞壑聞鳥道但餘麋鹿跡龍
圍龍圍石在絕頂去賊巢只數里已入虎狼羣仙靈縹緲諸天接雲雨虛
無下界分莫怪一身臨險絕草堂猿鶴久移文

發三水戲作

長年上瀨不須愁已挽三江水倒流一夕南風飽帆腹浪
花如雪擁船頭

風意如人往復還來時自北去時南明珠翠羽飄沉盡先

日颶風作泊岸官艘重載沉溺始信江神寶不貪

輞川詩畫老兼工三載蠻鄉記土風草木亦如吾臭味荔
枝紅並佛桑紅

懷清堂集 卷十四 十一
味外江瑤應一格詩中含笑合交光海南絕代雙邢尹老
我春風笑乞漿

重經大庾嶺

梅花國裏憶初春丞相祠邊柳色新明日秋風天北路後
日立 秋 半年瘴雨嶺南人山巖落落羞凡骨雲海飄飄信此
身第一塞遮東嶠口螺紋九磴本嶙峋

江上對月

清江夫如何暝色帶林樾娟娟衣上影瀲灩波間月西躔
秋已至南陸暑未歇新浴御織絺迎涼櫛衰髮半年熏瘴
霧海氣侵肌骨詎意一扁舟仍來坐超忽昔經灘石險今

爲江漲沒卽此空世患終焉謝天伐沈沈水精宮蕩蕩白
銀闕幽賞情未已雞鳴榜人發

與邱劇梧

高安官且免糟釭郡治蕭然臥竹牕民事由來等身事蜀

江元只是家江

瑞州舊有蜀江門卽錦水所經劇梧令蜀
温江八年有惠民歌思之劇梧亦倦倦

不忘 故云 同攜明月三更笛似到秋風七里瀧老去經營復何
有荒蕪休問石田雙

自過舒城環山流水密竹深林至黃梅復見九江卽

步黃梅店壁上韻

龍城西畔太湖東步步看山了不同雲木週遭三百里此

身常在翠微中

自嶺外歸重經逆旅用壁間舊韻後一日卽到東林
矣 七月十三日

中元節漸近大會說無遮何點雖登席周顒未出家幽期
二林隱遠勢九江斜優鉢曇應見風開菡萏花

東林寺

漸看雲散月流天那得沙崩岸出泉夢裏已空菩薩蓋閒
來聊問祖師禪名山乍到心差領佳句雖存法不傳夜話
亭前重懷古也應學佛也求仙

蓮花池上落還開荔子洲邊去復回炊飯喜當紅稻熟到

門肯遣白衣來氣含蔬笋樂莫樂味戰膏梁才不才暫與
廬山作賓主香爐峯對講經臺

十八臺

萬里征衫洗瘴塵邊沙漠漠起寒雲橋迴野店孤燈出夜
靜空山脫葉聞十八臺空號臥虎兩三戶冷走驚麀侍臣
咫尺依天仗豹尾前頭萬馬軍

壬辰九月十一日 行在啓事凱功都憲以近詩見

示循諷周咏欲作小詩以志仰止而未果也歲暮
閒居輒得八章

龍嘶萬騎曉駢駢赤羽旗邊立仗新一卷把公冰雪句不

知何路有飛塵

四山紅葉及秋遲卻與黃花九日期一鑰詩情誰會得應於馬上獨吟詩

潮河絕境自天開御製詩酬燕許才遙望乾光護東壁一時雲漢共昭回

三篋河東扈從餘永興博洽冠周廬文章韓杜真何憾須識胸中萬卷書

玉壺買得春多態茅屋聽殘雨滴聲何似仙人步東斗直從九萬御風行

殷紅刀尺自牀牀別有天孫雲錦張欲覓金針了無處空

驚七十二鴛鴦

舊巢已隔九重深老鶴孤飛忽禁林夜半玉堂還伴直七條絃上愛希音

廿年文事得從公沆瀣秋旻一氣中今日味思禪悅味醞醅酥酪可還同

懷清堂集卷十四

懷清堂集卷十四

